

黃帝內經素問注證發微

黃帝內經素問註證發微卷之六

大明太醫院正文會稽庠生玄臺子馬蒔仲化註證

國子生兄馬松弟馬萬馬散馬蒔校

病能論篇第四十六

能音耐體舉記故不耐無樂其耐作能體也陰陽二十五人篇

百有能字古蓋耐能通用陰陽應象大論云病之形能也蓋言病之形狀而受故此以病能名篇

黃帝問曰人病胃脘癰者診當何如岐伯對曰診此者當候胃脉其脉當沉細沉細者氣逆逆者人迎甚盛甚盛則熱人迎者胃脉也逆而盛則熱聚於胃口而不行故胃脘為癰也

此言診胃脘有癰之脉胃脉則沉細而人迎則甚盛也

蓋胃為水穀之海其經多氣多血。脉見右關本宜洪盛而今天沉細則是胃氣已逆故沉細如此。人迎者胃經穴名。在結喉兩旁亦有動脉應手其脉見於左寸。今右關沉細而人迎甚盛則是熱聚胃口而不行耳。按靈樞經脉篇謂人迎大三倍于寸口則胃經為實。即此二脉以驗之而知胃脘之有癰矣。

帝曰善人有卧而有所不安者何也。岐伯曰藏有所傷及精有所之寄則安。故人不能懸其病也。精有所之寄則安此言人有卧而不安者以藏氣傷而精氣耗也。蓋五藏為陰各藏其精藏有所傷及精有所之。偏向則藏傷而

精者不卧不安也。必精有所寄。各在本藏而無入則不
斯安矣。寄者藏也。如肝藏魂。肺藏魄之類。然凡卧有不
安。則人不卧者。血不歸肝。營氣以躁而消亡。衛氣不能
入於陰。此入之所以不能懸。其病也。懸者絕也。接逆調
節有不得卧而具有言者。諸論未詳。但
此曰不安。則是不能安寢也。與彼有異。

帝曰。人之不得偃卧者。何也。岐伯曰。肺者。藏之蓋也。肺氣

盛則肺大。肺大則不得偃卧。論在奇恒陰陽中。奇恒陰陽
俱占經篇

名經。經別論有陰陽揆度以爲常句。則陰
陽信古經篇名其揆度之義。見本篇末節。

此言人之不得偃卧者。以其肺之邪氣盛也。肺氣盛滿。
偃卧則氣促喘奔。故不得偃卧也。

帝曰有病厥者診右脉沉而緊左脉浮而遲不然病主安
在岐伯曰冬診之右脉固當沉緊此應四時左脉浮而遲
此逆四時在左當主病在腎頗關在肺當腰痛也帝曰何
以言之岐伯曰少陰脉貫腎絡肺今得肺脉腎爲之病故
腎爲腰痛之病也作不然當

此言腎有浮遲之脉當知其有腰痛之病也據本節大
義所謂右脉沉而緊左脉浮而遲者此脉當見于兩尺
也春夏脉浮秋冬脉沉此四時之脉也今冬時診之右
尺之脉沉而帶緊與冬時相應所謂應四時也左尺之
脉遲而兼浮與冬時相反所謂逆四時也遲爲腎脉浮

左尺浮而遲。當主病在腎。特脉頗關在肺。故腎當腰痛。而肺經則無疾也。何也。足少陰腎經之脉貫腎絡肺。今得肺脉者。豈肺脉來見於此哉。以左腎不足而脉不能沉。故得肺脉耳。其實非肺病也。當知其為腰痛之病耳。

帝曰。善。有病頸癰者。或石治之。或鍼灸治之。而皆已。其真安在。岐伯曰。此同名異等者也。夫癰氣之息者。宜以鍼開除去之。夫氣盛血聚者。宜石而寫之。此所謂同病異治也。此言有病頸癰者。當同病異治也。頸中有癰者。或以石為鍼治之。或以小鍼治之。或以艾灸之。而病皆愈者。豈

無真要之法哉。蓋病名雖同而實有微其之異耳。所謂以小鍼開除而去病者。正以癰間有氣。頓息未至其也。所謂以石爲鍼而寫之者。正以氣盛血聚故也。唯其同名異等。此所以同病異治也。

帝曰。有病怒狂者。此病安生。岐伯曰。生於陽也。帝曰。陽何以使人狂。岐伯曰。陽氣者。因暴折而難決。故善怒也。病名曰陽厥。帝曰。何以知之。岐伯曰。陽明者。常動。巨陽少陽不動。不動而動大疾。此其候也。帝曰。治之奈何。岐伯曰。主其食。卽已。夫食入於陰。長氣於陽。故奪其食。卽已。庚之。以少

下鐵洛爲飲。夫生鐵洛者。下氣疾也。

大疾也。上聲。庚之。以少。

有病怒狂者。有病由。有診法。有治法也。人有病狂者。以其陽氣之逆也。陽氣者。足三陽經。即下陽明。巨陽。少陽之氣也。此人者。因猝暴之頃。有所挫折。而事有難決。志不得伸。故三陽之氣。厥逆上行。而善怒。而狂。病名曰陽氣之厥逆。然所以知此疾者。必診之。三陽經之動。脉耳。足陽明經常動者。靈樞動輸篇言。足陽明獨動不休。故凡衝陽_{即跗}地倉大迎下關人迎氣衝之類。皆有動。脉不止。而衝陽爲尤甚。彼足太陽膀胱經。足少陽膽經。則不動者也。雖膀胱經有天窗委中崑崙。膽經有天空懸鐘聽會。而皆不及胃經之尤動也。今二經不動。而

至於動之甚速。此其病之怒狂。故諸陽之脉有如此耳。
至於所以治之者。亦惟奪其飲食。飲以生鐵落焉可也。
蓋食化於太陰脾經。而氣乃長於陽明胃經。故胃本多
氣多血。而又加多食。則陽愈盛。而狂愈甚。所以必減其
食也。生鐵落者。屬金。金能剋木。則肝氣可下。而怒不至
甚。以其性之能下氣疾。故可為飲以服之也。

帝曰。善。有病身熱解墮。汗出如浴。惡風。少氣。此為何病。岐
伯曰。病名曰酒風。帝曰。治之奈何。岐伯曰。以澤瀉、木各十
分。麋銜五分。合以三指撮。為後飯。解墮同墮。墮同去聲。

此言酒風之證。而有治之之方也。風論曰。飲酒中風。則

為漏風漏風之狀。或多汗。常不可單衣。食則汗出。甚則
身汗。喘息惡風。衣常濡。口乾善渴。不能勞事。故凡極飲
者。陽氣盛而腠理疏。玄府開。惟陽盛則熱盛。筋痿。故身
熱憊惰也。腠理開則風內入。玄府開則氣外泄。所以多
汗如浴也。風氣外薄。腠理汗多。肉虛。熱熏於肺。肺氣亦
虛。故惡風少氣也。治之者。用澤瀉木各十分。麋衡五分。
合以三指撮煎服。其藥後飯而服。謂之後飯也。王註以
為先用藥者。不知此證在表。先服藥則入裏。故後飯者。
藥在飯後也。水即藟木。大觀本草主風寒濕痺。筋肌。正
時一名無心草。南人呼為兵。原慎主

風濕痺。風痺益氣

所謂深之細者。其中手如鍼也。摩之切之聚者。堅也。博者大也。上經者。言氣之通天也。下經者。言病之變化也。金匱者。決死生也。揆度者。切度之也。奇恒者。言奇病也。所謂奇者。使奇病不得以四時死也。恒者。得以四時死也。所謂揆者。方切求之也。言切求其脉理也。度者。得其病處以四時度之也。度俱音鐸。玉版論要篇云。揆度者。度病之淺深也。奇病者。言奇病也。

此歷舉古經篇名。而釋其義也。首四句。似以鍼法為解。上經下經金匱揆度奇恒。俱古經篇名。今皆失之。上經者。必以衛氣為論。如生氣通天論之義。故曰言氣之通天也。下經者。言病之變化。金匱者。疑是藏之金匱。如金

實其言論之類。然其義則次死生也。揆度以度病為義。
奇病不必以四時而死。如奇病論大奇論之類。恒病得
以四時而死。如藏氣法時論。合于四時而死之類。揆以
切求其脉理。度以得其病處。遂以四時度之。此皆古經
篇之義也。王註置之弗釋。蓋不考諸義之為篇名。然謂之他篇之錯簡。則是也。

奇病論篇第四十七

內論諸病皆異故名論

黃帝問曰。人有重身。九月而瘖。此為何也。岐伯對曰。胞之
絡脉絕也。帝曰。何以言之。岐伯曰。胞絡者。繫於腎。少陰之
脉貫腎。繫舌本。故不能言。帝曰。治之奈何。岐伯曰。無治也。
當十月後。刺法曰。無損不足。益有餘。以成其疹。然後調之。

所謂無損不足者。身羸瘦無用。鑄石也。無益其有餘者。腹中有形而泄之。泄之則精出而病獨擅中。故曰疹成也。重

身

此言重身而瘡者。當產後愈。不必強施以攻補之法也。重身者。謂婦人懷妊。則身中有身。謂之重身也。瘡。痘也。九月而瘡者。腎氣謂人之受孕者。一月肝經養胎。二月膽經養胎。三月心經養胎。四月小腸經養胎。五月脾經養胎。六月胃經養胎。七月肺經養胎。八月大腸經養胎。九月腎經養胎。十月膀胱經養胎。光陰經而後陽經始於木而終於水。以五行之相生為次也。然以理推之。則

手足十二經之經脉。晝夜流行無間。無日無時而不共
養胎氣也。必無分經養胎之理。今曰九月而瘖。蓋時至
九月。則姙胎已久。兒體日長。胞絡宮之絡脉。繫於腎經
者。阻絕而不通。故間有爲之瘖者。非人人然也。此乃阻
非斷絕之謂。生氣通大論云大怒則形氣絕而血菀于上亦阻絕之絕是何也。腎經之脉
下貫於腎。而上繫舌本。故脉道阻絕者。不能言也。按靈
脉篇云腎足少陰之脉從腎上貫肝膈入肺中循喉嚨挾舌本此所以不必強爲施治。
當至十月分。娩之後。而自能復言矣。刺法篇有云。刺法
十二今已亡抑亦篇名同而其書異者歟無損不足。無益有餘。以成瘖病。此
泛論然胎損則爲瘖病其義可推必其十月之後。然後調理之耳。所謂

無損不足者。即如身體羸瘦。無用鑱石以鍼之之謂也。
所謂無益有餘者。即如腹中有形。而又用鍼以治之。則
反以泄之也。泄之則腎之精氣反出。而胎亦隨損。胎死
腹中。着而不下。是乃病獨擅中。故曰。疹之已成也。吾故
曰。無治也。當十月復。愚意古人用鍼故曰無治。若今人
用藥則當明藥治之。因藥以復心
腎為耳。耳按大奇論以胞精不足者。善言為死。不言為
生。此可以驗九月而產。非胞精不足。故十月而復。
帝曰。病脇下滿。氣逆。一歲不已。是為何病。岐伯曰。病名
曰息積。此不妨於食。不可灸刺。積為導引。服藥藥不能獨
治也。

此言息積之病。當兼導引服藥以治之也。蓋腹中無形。

脇下脹滿氣甚喘逆頻歲未愈者乃氣息日積使然也
故名曰息積此病有關於肝膽肺經無與於胃故不妨
於食也但不可灸刺之蓋灸則火熱內燦刺則氣傷經
虛也必漸次積爲日用導引之功調和之藥二者並行
斯病可愈若止用藥而不導引則藥不能以獨治也

帝曰人有身體髀股肱皆腫環齊而痛是爲何病岐伯曰
病名曰伏梁此風根也其氣溢於大腸而著於脊有之原
在脊下故環齊而痛也不可動之動之爲水瀦瀦之病也

髀音皮肱音肝同齊齊
同音音肱著者同

此節大義與腹中論第四十以爲奇病故重出于此其

釋義具彼

帝曰。人有尺脉數甚。筋急而見。此爲何病。岐伯曰。此所謂疹筋。是人腹必急。白色黑色見。則病甚。數音朔

此言尺數筋急者。不必據其腎之熱。而當據其腹之寒也。尺脉數甚。則腎經有熱。熱宜筋緩。而今掌後尺中反見筋急者。何也。此所謂病在下筋也。脉要精微論曰。尺外以候腎。尺裏以候腹中。今尺脉雖數。而筋則肝經主之。於腎無與。尺中筋急。其人腹中當有筋急。所謂尺裏以候腹中也。腹中有寒。故自急。不可以其腎之熱而疑其筋之不宜急矣。且其人白黑二色見於面部。則白黑

爲其病爲尤甚也

帝曰人有病頭痛以數歲不已此安得之各爲何病岐伯曰當有所犯大寒內至骨髓髓者以腦爲主腦逆故令頭痛齒亦痛病名曰厥逆帝曰善

此言歲久頭痛者以其寒入於腦氣有所逆而然也人有頭痛數歲不已者其人曾犯於大寒大寒至於骨髓腦者爲髓之海故髓以腦爲上今大寒入髓而氣逆上行故令頭痛齒爲骨餘亦兼齒痛也此病氣逆而然故亦名之曰厥逆耳

帝曰有病口甘者病名爲何何以得之岐伯曰此五氣之

溢也。名曰脾癰。夫五味入口，藏於胃，脾爲之行，其精氣津液在脾，故令人口甘也。此肥美之所發也。此人必數食甘美而多肥也。肥者，令人內熱，甘者，令人中滿，故其氣上溢，轉爲消渴。治之以蘭，除陳氣也。爲去声。蘭，治反。數，音朔。

此言有脾癰之疾者，當轉爲消渴而有治之之法也。五氣者，五藏之氣也。肝主酸，心主苦，脾主甘，肺主辛，腎主鹹。人有病，口甘者，乃脾氣之溢也。名曰脾癰。脾癰者，脾氣之熱也。正以五味入口，藏於胃，脾爲胃行其精氣津液，今津液在脾，脾熱則口甘耳。此病必發之於肥美，以此人必多食肥美也。蓋肥者，陽氣有餘，令人內熱，甘者

性緩不散。令人中滿。多食肥美。故其氣上溢。口爲之甘。口甘日久。則熱氣燥甚。轉爲消渴之證。治之者。以蘭草除其陳鬱之氣。則辛能發散。病愈矣。按蘭草味辛。氣平。利水道。辟不祥。胃

中痰

帝曰。有病口苦。取陽陵泉。口苦者。病名爲何。何以得之。岐伯曰。病名曰膽痺。夫肝者。中之將也。取決於膽。咽爲之使。此人者。數謀慮不決。故膽虛氣上溢。而口爲之苦。治之以膽募俞。治在陰陽十二官相使中。咽音咽。使去。音數音朔。

此言有膽痺之疾者。當有治之之法也。病有口苦。取足少陽膽經之陽陵泉以治之者。何也。此病乃膽氣之熱。

也。靈蘭秘典論曰：肝者將軍之官，謀慮出焉。膽者中正

之官，決斷出焉。夫謀慮在肝，決斷在膽，故肝為中之將

而取決於膽也。靈樞經云：肝主為將，六節藏肝，肺

上貫鬲，布膈，肋循喉嚨，又其支者從目系下頰，裏環唇

內，故咽為之使也。此人者，數謀慮而不決斷，故膽氣以

煩勞而致虛，膽氣上溢，目為之苦，治之者不但在陽陵

泉也。凡五藏之募穴在腹，今日膽之募者，即肝之募也。

名曰期門。任脉經有巨關穴在鳩尾下一寸，其期門開

半寸，又曰乳直下一寸，凡六府之俞穴在背，今日膽之俞

即膽俞，上推下兩旁相去脊中各一寸，此所當治者也。大抵

治法具陰陽十二官相使中

陰陽古經篇名陰陽別論有陰陽揆度以篇當之句

十二官相使之義皆已亡

帝曰有癰者一日數十洩此不足也身熱如炭頸膺如格人迎躁盛喘息氣逆此有餘也太陰脉微細如髮者此不足也其病安在名爲何病岐伯曰病在太陰其盛在胃頗在肺病名曰厥死不治此所謂得五有餘二不足也帝曰何謂五有餘二不足岐伯曰所謂五有餘者五病之氣有餘也二不足者亦病氣之不足也今外得五有餘內得二不足此其身不表不裏亦正死明矣

此言表裏俱病者而決其爲死也病有癰者謂膀胱不

利爲瘡。一日雖數十溲而小便不得出。此不足也。身熱如炭。熱如火也。頸膺如格。謂胃之旁爲膺。其頸與膺如相格拒而不得通暢也。左手寸口人迎之脉三倍而躁。其息爲喘。其氣甚逆。此有餘也。右手氣口太陰之脉微細如髮。此不足也。病在何經而亦名爲何病。伯言此病在太陰經之不足。觀氣口微細之脉可知也。其氣盛在於胃。觀人迎躁盛之脉可知也。六節藏象論靈樞終始禁服等篇皆以人迎三盛爲病在陽明。所以謂之其盛在胃也。至於喘息氣逆頗關在肺。然肺虛也。非盛也。特邪氣耳。病名曰厥。當至死不治。蓋人迎盛於氣口者爲

格以陽氣上逆而陰氣不得運于外也。此正有合於是耳。且曰身熱如炭曰頸膈如格曰人迎躁盛曰喘息曰氣逆此得五有餘也。曰病瘥一日數十洩曰太陰脉微細如髮此二不足也。所謂得五有餘者病氣有餘也。所謂得二不足者正氣不足也。即五有餘而欲瀉之則其裏甚虛而不能以常夫瀉。即二不足而欲補之則其表甚盛而不可以施夫補。此其不表不裏正以必死而無疑也。

帝曰。人生而有病顛疾者。病名曰何。安所得之。岐伯曰。病名爲胎病。此得之在母腹中時。其母有所大驚。氣上而不

下精氣并居故今子發為顛疾也

令平

此言人之初生而有發頂顛之疾者乃胎中之有病也
頂顛之病凡病在頂顛者皆是也非止頭痛而已帝問
初生之子未犯邪氣遽有此疾必有其由伯言此病乃
得之於胎中者耳方其在腹之時其母曾有大驚氣上
而不下精氣并居於上故今子發為顛疾者如此

帝曰有病龐然如有水狀切其脉大緊身無痛者形不瘦
不能食食少名為何病岐伯曰病生在腎名爲腎風腎風
而不能食善驚驚已心氣痿者死帝曰善

按腎風名色又見評雜病論水

此言腎風之證而至於心痿則死也。腎爲水故腎虛則水穢。腎不宜感風。故風在則體浮。遂形之爲外證者。龐然而壅。如有水狀。其身又無痛處。其形又不至瘦。形之爲脉體者。風熱則脉大。風與水搏則脉緊。形之爲內證者。脹滿則薄脾而不能食。雖食亦少。水熱穴論云。腎者胃之關也。關門不利。故聚水而成其病。則欲其能食也難矣。此病乃生於腎。名爲腎風。腎風而不能食。最善療以水盛。則心火衰。故神養而必多驚耳。若驚後而心經痿弱無氣者。則心本不受邪。今者心傷則神去。神去則

死矣。

宋語見靈樞經邪氣篇

太奇論第四十八

內論諸病七異故以大奇名篇

肝滿腎滿肺滿皆實即為腫

此言肝腎肺經之滿者其脉必實其證必腫也滿脹滿也腫浮腫也其皮部當為腫也

肺之雍端而兩肘滿肝雍兩肘滿肝雍兩肘滿則驚不得小便腎雍

肺下至小腹滿脛有大小卑節大跛易偏枯按甲乙注雍

思之肺肝腎三經不宜生癰若有一經生癰則氣血煎餒

周身為患各經證候不止如本節所云而此雍斷宜作

雍蓋言氣之壅滯也惟三經之氣壅滯故其為病如是此

節中上節未盡之證雍即滯之義但上節三滿字主在內

此承上文而言肺肝腎氣之壅者又必各有其證也人

之肺氣壅滯者。以肺藏氣而主息其脉支別者從肺而橫出腋下。故既發端而兩肱亦必滿也。肝氣壅滯者。肝之脉從股陰入髀中環陰器抵少腹上貫肝膈布脇肋。故脹滿不得小便也。且其肝也多驚。以肝病主驚駭耳。

金匱真言論曰肝病發熱駭

腎氣壅滯者腎脉循內踝之後別入跟

上膈內出膈內廉上股內後廉貫脊屬腎絡膀胱其直者從腎上貫肝膈入肺中其支者從肺出絡心注胃中故自脚下至上少腹必脹滿也。其左右足脛有大小不同其髀至脛大跛爲患當易至有偏枯之疾。夫上三經之證曰腫而此則不止於腫而已故諸證不同又

如是也。

心脉滿大癰癧筋攣肝脉小急癰癧筋攣

癰音開癧音異攣音羸

此言癰癧筋攣之證。心肝二經皆能成之。而以其脉之

異者驗之也。癰證似癰癧證。體緩筋攣者。筋脉拘攣也。

然心屬火。火有餘則脉滿大。其血乾涸。故當發之。為癰

癧筋攣也。肝屬木。木感寒則脉小急。其血窘急。故亦當

發之。為癰癧筋攣也。夫疾一也。心肝二經皆有之。一以

內熱。一以外寒。故脉證不同。有如此。

肝脉弦。暴有所驚。脈不至若瘖。不治自已。

驚音驚

此言肝脉太過者。主於驚。而不及者。病易已也。金匱真

論曰肝之病發驚駭故肝脉馳驟暴急當有所驚駭也若脉有未至或口不能言正以其脉布脇肋循喉嚨但氣滯未通久之病當自已也

腎脉小急肝脉小急心脉小急不鼓皆爲癥

此言心肝腎脉之小急沉者皆爲癥也癥者假也塊似有形而隱見不常故曰癥脉本急矣而其急中甚小又不鼓擊於手則是沉也必有積癥在中故脉不和緩空虛耳今三部之脉如此皆可以卽其本部而決其爲癥也

肝并沉爲石水并浮爲風水并虛爲死并小弦欲驚

此歷舉腎肝之脉相同者其病亦無異也腎脉貫脊中

絡膀胱肝脉入陰內貫小腹二脉并沉者腎主水水在

冬為冰水氣凝結如石之沉故名為石水也按陰陽別論有陰陽

結邪多陰少陽名曰石水小腹腫重邪氣藏府病形篇有腎脉微大為石水起腫已下至小腹腫脈然上至

胃脘而不治蓋振水脹論黃帝有石水之問而岐伯無

若必有腹滿皆是積聚之類石主有水有水則有水與聲也腎肝脉并浮者腎主水肝主風二部皆見浮脉是畜

水胃風發為腫脹名曰風水按風水之證見評熱論水熱穴論靈樞論疾診尺篇

又平人氣象論曰面腫曰風足腫腫又腎為五藏之根

水及前篇奇病論亦有腎風之證肝為發生之主今二脉俱虛當為死證也又腎肝脉并

沉而其弦又小者肝主弦小為腎肝俱虛虛則多驚故

謂之欲驚也。

腎脉大急沉肝脉大急沉皆爲疝。

此言腎肝之脉大急沉者皆爲疝也。上文言腎肝心之三部其脉小急沉者爲癥矣。茲則言腎肝之二部其脉大急沉者皆爲疝也。特以急沉之脉有大小之辯耳。疝者寒氣結聚之所爲也。或結於少腹或結於睪丸或結於睪丸之上。下兩旁。凡二脉經歷之所皆是也。

心脉搏滑急爲心疝肺脉沉搏爲肺疝。

此言心肺二部皆有疝。卽脉可以知之。不特腎肝爲然也。心脉搏擊於指而且滑且急。是心經有疝也。肺脉搏

擊於指而按之則沉是肺經有疝也。積山以高大者曰山疝有漸積之義故名。

三陽急爲瘕三陰急爲疝

此言急脉雖同而有膀胱與脾之分。當有爲疝爲瘕之別也。三陽者足太陽膀胱經也。其脉來急正以膀胱受寒凝而爲瘕故其脉如此。三陰者足太陰脾經也。其脉亦急正以脾經受寒聚而爲疝故其脉如此。夫上文言腎肝心肺俱有疝而此言脾亦有疝可見五藏皆有疝也。王註分瘕爲血疝爲氣者未的當知二病爲氣血相兼也。

陰為癰厥二陽急為驚

此言急脉雖同而有心經與胃之分當有為癰為厥
為驚之別也二陰者心也其脉不急正以心經受寒寒
與血搏發而為癰為厥故其脉如此二陽者胃也其脉
亦急正以胃經受寒寒來傷之發而為驚故其脉如此

陽明脉解篇謂胃聞木音則驚以上
畏木也是胃亦有驚不特肝心而已

脾脉外鼓沈為腸澼久自己肝脉小緩為腸澼易治腎脉
小搏沈為腸澼下血血溫身熱者死心肝澼亦下血二藏
同病者可治其脉小沈瀉為腸澼其身熱者死熱見

死
澼音僻
易去声

此言心肝脾腎皆為腸澼而有死生之分者。以脉與證
驗之也。腸澼者。腸有所積而下之也。然有下血者。即今所謂
失有下白沫者。即今所謂有下膿而者。即今所謂病在於腸
均謂之腸澼也。故通評虛實論曰。腸澼之屬。但其脉皆
宜沉細。其證皆宜體涼。則火退而邪少也。今脾脉之沉
者。必為腸澼。但沉而外鼓於臂外。則邪氣未減。當至久
而自止也。肝脉之緩者。必為腸澼。但緩而小者。則土來
乘木。終不能勝其病。即愈。故曰易治。腎脉之沉者。必
為腸澼。但沉而小有搏擊於指。則腸澼之下血者也。其
血若溫。其身若熱。是水不能勝火也。故曰死。心肝二

部宜其必下血也。然二藏同病則水火相生其病可治。至診其脉本沉矣而小爲不足。將爲血傷。幸身未熟猶有可治。若身已熟則時至七日乃火之成數也。可以下死期矣。

胃脉沉鼓濇。胃外鼓大。心脉小堅急。皆屬偏枯。男子發左。女子發右。不瘡。舌轉可治。三十日起。其從者瘡。三歲起年不滿二十者。三歲死。內經隔隔通用

此言胃心之脉有爲隔證與偏枯者。其偏枯當有死之之分也。胃脉沉矣而又鼓指帶濇。從外而鼓擊於指者。

甚大則鼓爲不和。瀆爲有傷。大爲熱盛。心肺小矣。而按之且堅且急。則小爲血虛。堅爲不和。急爲熱盛。皆能成膈證。與偏枯焉。蓋膈者。膈膜也。前齊鳩尾。後齊十一椎。遮隔濁氣。不使上薰心肺。故謂之膈。今膈有病。則飲食不下。若有所隔而然。卽膈而謂之膈疾也。靈樞上膈篇有言。食飲入而還出者。是也。此以胃爲水穀之海。心在膈上。今胃有病。脉而不能納。心有病。脉而不能生血。此膈無所養而病成也。王氏於膈字無解。要見此篇後。則有答。至於偏枯者。亦穀氣失養。血脉不和所致耳。且此偏枯也。男子當發於左。以左爲陽也。女子當發於右。以右爲陰也。其聲

不瘡其舌可轉。是病猶未甚。一月而起。男子已發於左而不發於右。女子已發於右而不發於左。是之謂從者。順也。雖至於瘡。三年可起。不至死也。若年不滿二十者。而得此疾。不問其在左在右。瘡與不瘡。主三年而死。蓋五藏始定。血氣方剛。而蚤得此疾。乃藏府血氣皆損之極也。其欲生也難矣。

脉至而搏。血衄身熱者死。脉來懸鉤浮爲常脉。

此言有血衄二證者。脉搏身熱爲死。若懸鉤浮爲常脉。則不至於搏之爲可慮也。病有血證。凡吐血下血皆是也。病有衄證。血出於鼻者是也。血屬陰。陰宜靜。其脉鼓

惡搏其身最惡熱今犯之故曰死若脉之來也懸而正
鉤而浮則鉤爲心脉浮爲肺脉皆不至於搏擊指下而
不和也此特血衄者之常脉耳未必至於死也

脉至如喘名曰暴厥暴厥者不知與人言脉至如數使人

暴驚三四日自已數音朝

此言病有暴厥暴驚者有脉與證當三四日自已也脉
來如喘喘者氣湧而不和脉體如之各曰暴厥暴厥者
猝暴而厥逆故脉如此也惟其猝暴厥逆所以不知與
人言也脉來如數者六至餘也數爲執熱則內動肝心
上于猝暴驚駭夫暴厥者氣降則愈暴驚者熱退則安

下。四月間當自巳耳蓋木之生數在三也

脉至乃合浮合如數一息十至以上是經氣予不足也數

見九十日死

予與同數音朔

此言經氣不足者有脉象與死期也經氣者手足十二經脉之氣也十二經脉之氣藏府而氣盡於是矣脉如浮浪之合數數而來一息之間遂有十至已上之脉是邪氣盛極經氣衰極也其死僅在五日與十日耳蓋肺主元氣其成數在九脾主五藏其成數在十是肝氣予虛也木葉落而死脉至如省客省客者脉塞而

鼓是腎氣予不足也。懸去葉華而死。

此言心肝腎氣之不足者。各有脉象死期。乃五藏中之三也。脉來如火薪之燃。是邪氣熱極。心精被奪。火王於夏。猶有可支。至秋盡冬初。心氣全衰。故曰草乾而死。脉來如葉之散。是肝氣太虛。不無收斂。至於金氣剋極。水氣不能復生。木氣凋謝。肝木亦死矣。脉至如省客者。暫去暫來也。正以脉本閉塞。而復有鼓擊於指之時。是腎氣全衰。本源虧極。鼓不常鼓。而閉塞自如也。葉華之候。木衰火王。水安勝之故。曰懸去葉華而死也。懸去者。猶俗云虛度也。

戴心字云葉華之時也。

脉至如丸泥是胃精予不足也榆莢落而死脉至如橫格是膽氣予不足也禾熟而死

此言胃膽之氣不足者各有脉象死期乃六府中之二也脉來如似乎丸泥有平戾而無和平也是胃土之精氣不足至榆莢落而死矣榆落之候秋冬之交也脉長而堅如橫格之在指下是膽之精氣不足也至禾熟而死禾熟在秋冬之交木被金剋故也

脉至如弦縷是胞精予不足也病善言下霜而死不言可治。

此言胞氣不足者有脉象證候死期也脉來如弓弦之

縷猶俗之所謂弦線也。主堅急不和奇病論云。胞脉者
繫于腎。蓋婦人受胎之所。即胞絡宮。而腎之脉俠舌本。
故胞氣不足。宜不能言。而反善言者。正虛邪盛也。時至
下霜而死。以水衰不能生腎耳。若不能言。則病猶可治。
夫日常人觀之。言者為強。不言為弱。然自胞氣不足。而
有病者觀之。則寧不言無言善言也。按勝胞為胞之室
男少皆同。但胞之病未必若本
節之甚。故愚以胞絡宮釋之。

脉至如交漆。交漆者。左右傍至也。微見三十日死。

交當
作較

此言脉如絞漆者。一月而死也。漆必有渣。古人亦必絞
之。脉來如絞漆之狀。是乃左右旁至有降而無升有出

而無入。大小不勻。前盛後虛也。絞漆者。藏府俱虛。六腑皆弱。當一月而死矣。微之爲言。

脉至如湧泉。浮鼓肌中。太陽氣予不足也。少氣味韭英而死。

此言太陽氣之不足者。有脉象證候。死期也。湧泉者。有升而無降。有出而無入。勢甚洶湧。莫能遏禦也。浮鼓於肌肉之中。是足太陽膀胱之氣不足也。蓋太陽爲三陽。三陽主於外。今精氣不足。故浮鼓肌中。而欲出於外。其勢終不能入於陰也。主少氣。正以脉湧則氣乏也。當至味韭英之時而死。正以韭有英時。冬盡春初也。水已虧。

極安能至於盛春耶

脉至如顏土之狀按之不得是肌氣予不足也五色先見

黑白壘發死

壘當作

此言肌氣不足者有脉象證候死期也脉來如顏土之狀舉指大而虛更按之全無是肌氣之不足也據其面部先見黑色是血枯色變也主白壘發時而死

詩云絲絲葛葛

葛亦葛之類

脉至如懸雍懸雍者浮揣切之益大是十二俞之予不足也水凝而死

此言十二俞氣之不足者有脉象與死期也按靈樞憂

志無言篇有曰懸雍者音聲之關也蓋懸雍生於上腭之間脉至如懸雍則懸雍本浮也揣切之際其脉益大而全無沉意是十二經俞穴之氣皆不足也水凝爲冰乃寒極之時不能交於春而死矣

脉至如偃刀偃刀者浮之小急按之堅大急五藏苑熱寒熱獨并于腎也如此其人不得坐立春而死

此言五藏積熱而寒熱獨并于腎者有脉象證候死期也脉至如刀之偃偃刀者什而不起降而不升之象也故其脉舉指而浮之則小急重指而按之則堅大且急是乃五藏之積熱發而爲寒熱者獨并于下部之腎經

也。由此觀之。則偃刀之脉。當見于尺部者矣。且其爲証也。一手卧而不能坐。惟腎衰不能生木。及至立春則死矣。

脉至如丸滑不直手。不直手者。按之不可得也。是大腸氣予不足也。裏葉注而死。脉至如華者。令人善恐。不欲坐卧。行立常聽。是小腸氣予不足也。季秋而死。

此言大小腸氣之不足者。各有脉象証候。死期亦六府中之二也。脉至如丸之滑。其實有形而圓活。似乎無形。腎主指下相遠不相值。是乃按之不可得也。正以大腸之不足耳。大腸之脉。輕虛以浮。當與肺同。今大腸精氣

不足傳道失職脉如丸滑全非輕虛以浮之體矣當至
棗葉生時而死。棗葉之時則先棗華之候矣脉至如華
者是似草木之華。虛弱而按之無本也。其證令人善恐
以心氣不足也。不欲坐卧以心氣不寧也。其行立之時
常有聽物之意。以恐懼之心勝耳。是乃小腸之氣不足
所致也。蓋心與小腸為表裏。小腸之病與心同也。小腸
屬火。火王猶可生。至季秋則衰極而死矣。

脉解篇第四十九

按此篇論病大抵出於靈樞經脉
篇諸經為病篇內曰所謂者正以

古有是語而今
述之也故各篇

太陽所謂腫腰腓痛者正月太陽實寅太陽也正月陽氣

出在上而陰氣盛陽未得自次也故腫腰膝痛也病偏虛
為跛者正月陽氣凍解地氣而出也所謂偏虛者冬寒頗
有不足者故偏虛為跛也所謂強上引背者陽氣大上而
爭故強上也所謂耳鳴者陽氣萬物盛上而躍故耳鳴也
所謂甚則狂顛疾者陽盡在上而陰氣從下下虛上實故
狂顛疾也所謂浮為腫者皆在氣也所謂入中為瘖者陽
盛已衰故為瘖也內奪而厥則為瘖俳此腎虛也少陰不
至者厥也

唯音祖厥音決
上聲瘖音計

此言膀胱經之諸証其義應時合勝者也首太陽者是
太陽膀胱經也三三太陽者正月為三陽故曰太陽也

腫發肉也。跛足偏疾也。

陽明經氣不通

口不能言也。卒然

卽通評虛實論之所謂精氣不通也。非足廢不能行

也。足太陽膀胱之病。經行所過腫痛者。正以膀胱

在人爲三陽屬太陽。行於表。

陽氣類論曰三陽爲表

正月

在時爲三陽亦屬太陽。太陽爲寅。卽太陽也。正月之時

陽氣雖出於上而寒氣正行。故陰氣尚盛。陽氣猶未得

其主時之位次也。是以膀胱之氣名盛而實虛。今膀胱

正氣交虛。此腰與腫。所以爲腫爲痛也。正以其脉從腰

中下挾脊貫腎入臍中。過脾樞。故發之爲病者如此。

所謂偏虛爲跛者。夫正月三陽用事。東風解凍。地氣

已出膀胱與正月相合。正以正月寒氣未減而膀胱之氣頗有不足。故爲偏虛。而在一足爲跛也。有所謂強上引背者。正以膀胱之脉起目內眥。上額交巔。其支者從巔至耳上角。又直者從巔入絡腦。還出別下項。循肩膊內。挾脊抵腰中。其陽氣大上而爭。與正月之陽氣上升者同。故邪氣入之。則爲強上引背也。有所謂耳鳴者。正以正月之時。萬物隨陽氣以盛上。而若有跳躍之意。故膀胱之脉從巔至耳上角。其氣主與耳應。今正氣不足。邪氣有餘。能爲耳鳴也。有所謂甚則狂顛疾者。正以陽氣者。膀胱也。其脉自頭至足。陰氣者。腎氣也。

其脉自足至胷。正月以後。陽氣盡出于上。而陰氣在下。其下本虛。而上則實。膀胱之脉。上額交巔。上入絡腦。還出別下項。其支別者。從頰至耳上角。故爲狂之病。如生氣通天論所謂陰不勝其陽。則爲狂者是也。又爲頂顛之病。如爲頭痛眩冒沉重者。皆是也。有所謂浮爲腫者。正以膀胱之脉至耳故也。故脉浮則聾。蓋不止于鳴矣。有所謂入中爲瘖者。正以膀胱之氣已衰而入于其中。不能有助腎氣。故腎之脉挾舌本者。其氣不相通。故爲瘖也。然此瘖病。而又有爲俳病者。正以內有所食。而腎精不藏。則其氣厥逆。而上下不通。故在上爲瘖。而

在下為俳也。此非腎虛之故而何。且是厥者何以驗之。

若少陰腎經之脉不至，是乃厥之驗耳。按此節何以勝

終為病與乎太陽無涉故當以勝脫釋之以下諸經做此按勝脫諸証豈盡在正月哉特論與時相應之義有

如此耳益虛實在人隨時為病不必盡在正月也彼善養者有實無虛則時亦不能使之病矣讀者於此類經

典不以辭而害意斯可耳後義做此

少陽所謂心脇痛者言少陽盛也盛者心之所表也九月

陽氣盡而陰氣盛故心脇痛也所謂不可反側者陰氣藏

物也物藏則不動故不可反側也所謂甚則躍者九月萬

物盡衰草木凋落而墮則氣失陽而之陰氣盛而陽之下

長故謂躍按心脇痛不能轉側是震振經脉痛木經是動則病之下

此言膽經諸證其義與所應也。少陽者足少陽膽經也。膽經之脉入缺盆以下胸中循脇裏以出氣街。今曰心脇痛者正以少陽邪氣之盛耳。蓋膽之脉行于脇而心之脉出于腋爲心之表故爲心脇痛也。且九月之時天之陽氣已盡而陰氣方盛。今膽有相火心有君火。火墓于戌則陽不敵陰故爲心脇痛也。有所謂不可反側者正以九月陰氣方盛主于藏物物藏則不動。今陰盛火衰故不可反側不但心脇之痛而已也。有所謂甚則躍者膽之脉循髀陽出膝外廉下入外輔骨之前直下抵絕骨之端下出外踝之前循足跗。今九月萬物盡

表草木畢落而墮則人身之氣去陽而入陰矣陽氣盛于陰分而長於下體故盛則爲跳躍耳。

陽明所謂洒洒振寒者陽明者午也五月盛陽之陰也陽盛而陰氣加之故洒洒振寒也所謂脛腫而脰不收者是五月盛陽之陰也陽者衰於五月而一陰氣上與陽始爭故脛腫而脰不收也所謂上喘而爲水者陰氣下而復上正則邪客於藏府間故爲水也所謂胃脘痛少氣者水氣在藏府也水者陰氣也陰氣在中故胃脘痛少氣也所謂甚則厥惡人與火聞木音則惕然而驚者陽氣與陰氣相薄水火相惡故惕然而驚也所謂欲獨閉戶牖而處者陰陽相

薄也。陽盡而陰盛。故欲獨閉。以牖而居。所謂病至則欲乘
高而歌。棄衣而走者。陰陽復爭。而外并於陽。故使之棄衣
而走也。所謂客孫脉。則頭滿鼻熱腹腫者。陽明并於上。上
者。則其孫絡太陰也。故頭痛鼻軌腹腫也。此皆病見靈樞
經外篇本經是

動則病
之下

此言胃經諸證。其義應時合脾者也。胃經之病。有所謂
洒洒振寒者。正以足陽明胃經者。盛陽也。在人爲陽明。
在時爲正午。午者。五月也。然五月雖盛陽。而一陰方生。
故謂五月爲盛陽之陰也。陽氣盛而陰氣加之。故胃經
得病者。熱中有寒。當洒洒振寒也。有所謂脰腫而腹不

收者亦以五月爲盛陽之陰也。胃之脉下譁開抵伏兔下入膝膑中下循脛外廉下足跗入中指內間又其支別者下廉三寸而別下入中指外間天之陽氣至五月漸下而一陰初生人之陽氣亦至五月而下而一陰初生陰氣上與陽氣相爭故足爲陰其病在足所以脛腫而胫不收也。有所謂上喘而爲水者正以足太陰脉從足走腹足陽明脉從頭走足今陰氣微下而太陰土行則陰氣下而復上其所下之陰氣不散而客於脾藏胃府間所以化爲水腫之病也。水勝則上至於肺而爲喘矣。且所謂胃痛少氣者亦以水氣在臧府也。水氣者陰

氣也。陰氣在中。邪氣閉塞。故在胃爲痛。在氣爲少。逆少
氣所以喘也。所謂甚則厥氣上行。惡人與火。聞木音則
惕然而驚者。陽明脉解篇云。陽明主肉。其脉血氣皆盛。
邪客之則熱。熱甚則惡火。又云。陽明厥則喘而惋。惋則
惡人。又曰。胃者土也。故聞木音而驚者。土惡木也。此曰
陽氣與陰氣相薄。水火相惡者。蓋言陽氣者胃氣也。陰
氣者水氣也。水氣在臍府間。故相惡而驚也。所謂欲獨
閉戶牖而處者。亦以陰氣與陽氣相薄。胃之陽氣盡而
脾與水氣盛。故陰欲靜靜則安。所以欲獨閉戶牖而處
也。所謂病至則欲登高而歌。棄衣而走者。脾爲陰。氣健

與陽爭而陰氣盡并於陽則陽氣盛而陰氣反衰故熱
盛於身所以欲去衣而走也所謂客孫脉則在頭爲痛
在鼻爲鼽在腹爲腫者以陰氣上行而并於陽明之氣
是太陰爲陽明并於上也則陽明之經絡皆足太陰脾
經之氣故陽明之經絡及太陰之經絡共爲前諸證也
太陰所謂病脹者太陰子也十一月萬物氣皆藏於中故
曰病脹所謂上走心爲噫者陰盛而上走於陽明陽明絡
屬心故曰上走心爲噫也所謂食則嘔者物盛滿而上逆
故嘔也所謂得後與氣則快然如衰者十一月陰氣下衰
而陽氣且出故曰得後與氣則快然如衰也

按諸病見靈樞經脾篇本

此言脾經諸證其義應時合胃者也脾經之病有所謂
脹者正以足太陰脾經者盛陰也在人爲太陰在時爲
子子者十一月也十一月萬物氣藏於中脾藏既以應
之則脾脉入腹屬脾絡胃故病當爲脹也所謂上走心
爲噫者正以脾脉之支別者復從胃別上膈注心中故
脾氣爲陰陰氣盛而上走于陽明則陽明絡屬心所以
上走心而爲噫也宣明五氣論曰心爲噫又按靈樞口
問篇曰寒氣客於胃厥逆從下上散復出于胃故爲噫
夫素問言心而靈樞言胃則此篇兼言陰氣走於胃胃

走於心。見三經相須而爲噫也。所謂食則嘔者。久持物
藏深固。惟物之入胃脾者。盛滿太過。而爲之上溢。故爲
嘔也。所謂得後與氣則快然如衰者。時至十一月。乃隆
寒之候。陰氣下衰。而陽氣將出。故脾氣應之。所以得後
與氣則快然如衰也。後者。謂也。氣者。肛門失氣也。

少陰所謂腰痛者。少陰者。腎也。十月萬物陽氣皆傷。故腰
痛也。所謂嘔欬上氣喘者。陰氣在下。陽氣在上。諸陽氣浮
無所依從。故嘔欬上氣喘也。所謂色色不能久立久坐。起
則目眈眈無所見者。萬物陰陽不定。未有主也。秋氣始至。
微霜始下。而方殺萬物。陰陽內奪。故目眈眈無所見也。所

謂少氣善怒者。陽氣不治。陽氣不治。則陽氣不得出。肝氣
當治而未得。故善怒。善怒者。名曰煎厥。所謂恐如人將捕
之者。秋氣萬物未有畢去。陰氣少。陽氣入。陰陽相薄。故恐
也。所謂惡聞食臭者。胃無氣。故惡聞食臭也。所謂面黑如
地色者。秋氣內奪。故變於色也。所謂欬則有血者。陽脉傷
也。陽氣未盛于上。而脉滿。滿則欬。故血見於鼻也。文疑當

在肺脈之下。肺音荒。按諸證亦見
靈樞經脉篇各經是動則病之下

此言腎肝脾肺諸證。其義應于純陰之候也。足少陰者
腎經也。腎脉上股內後廉貫脊。又腰者為腎之府。故腎
經所謂腰痛者。正以少陰者初陰也。十月為孟冬。是亦

少陰也。萬物陽氣皆以陰氣而傷。故腎亦應之。所以爲腰痛也。有所謂嘔欬上氣喘者。正以其脉從腎上貫膈入肺中。今腎之陰氣不能上升。而膀胱之陽氣不能下降。大凡諸經陽氣皆主于浮。惟膀胱之氣上浮而下無所依從。故其氣不降。所以爲嘔。爲欬。爲上氣喘也。上三證者。自腎經而言之耳。有所謂坐立難久。起則目眊眊然。色色無所見者。正以十月之時。萬物之內皆有陰陽。陰盡陽生。尚未有主。秋氣始至。微霜始下。而方殺萬物。其陰陽內相攻奪。故人之目眊眊然。凡物之色色無所見也。有所謂少氣善怒者。時則六陰已生。陽氣未治。

則少陽之氣尚未得出。少陽與肝爲表裏。所以肝氣當治而未治也。故發之爲善怒。其名又曰煎厥。正以氣逆則怒也。此二證者。又自肝經而言之耳。生氣通天論亦有煎厥。當參考之。有所謂恐如人將捕之者。秋氣在于萬物未爲盡去。此時陰氣漸少。陽氣已入。陰陽相薄。故有所擊而爲恐也。此一證者。又自腎經而言之耳。宣明五氣論曰。精氣并于腎則爲恐也。有所謂惡聞食臭者。正以陰氣內藏而胃陽不和。所以胃無氣而惡聞食臭也。此一證者。自脾經而言之耳。有所謂面黑如地色者。正以秋氣盡而入于內。陽氣出而不能大形於外。所以變之爲

黑色黑爲冬之色也此一證者亦自腎經而言之耳
有所謂欬則有血者正以陽脉初生脉當受傷則陽氣
未盛于上而陰氣當滿於諸脉故滿則欬欬則見血於
鼻也此一證者蓋自肺經而言之耳

厥陰所謂癰疔婦人少腹腫者厥陰者辰也三月陽中之
陰邪在中故曰癰疔少腹腫也所謂腰脊痛不可以俛仰
者三月一振榮華萬物一俛而不仰也所謂癰疔皮膚脹
者曰陰亦盛而脉脹不通故曰癰疔也所謂甚則隘乾
熱中者陰陽相薄而熱故隘乾也癰疔音頰隘音乾乾音干
本經是動則病之下

此言肝經諸證其義亦應時也。是厥陰肝經之狀。循微陰入臍中環陰器抵少腹。今肝經有所謂癰疝婦人少腹腫者。正以厥陰者屬木。木爲春三月二月屬辰爲五陽。然肝爲厥陰。則是陽中之陰也。陰伏陽中則邪亦在中。故肝屬下部邪爲有積。名曰癰疝。其少腹當爲腫也。有所謂腰痛不可以俛仰者。正以三月一振榮華萬物則萬物自然生成。凡俛者不可以仰。仰者不可以俛。故肝應其時。腰痛之病。俛仰似難也。有所謂癰疝臍脹者。正以厥陰亦盛。脉脹不通。故曰癰。曰疝。等病。皆陰病也。從此成矣。有所謂寒則盛。乾熱中者。正以三月

為五陽厥陰為一陰陰陽相薄而在內為熱中在上為

嗑乾也

刺要論篇第五十

刺要者刺鍼之要法故名篇自此以後有刺齊刺宗刺之篇其義

深其意遠學者宜深玩

黃帝問曰願聞刺要岐伯對曰病有浮沉刺有淺深各至

其理無過其道過之則內傷不及則生外壅壅則邪從之

淺深不得反為大賊內動五臟後生大病

此節與靈樞官論篇首節大義

同

此戒刺要不可不知如下五節者正刺要也刺要刺鍼之要法也人之病有浮沉浮則刺常淺故過於深者則

內傷沉則刺當深故不及而淺者則外癰留邪所以反
爲大害也若是者正以內動五藏後生大病耳下文正
詳言之

故曰病有在毫毛腠理者有在皮膚者有在肌肉者有在
脉者有在筋者有在骨者有在髓者

此承上文而言病各有在以見病有浮沉而刺之當有
淺深也

是故刺毫毛腠理無傷皮皮傷則內動肺肺動則秋病溫
瘧泝然寒慄

素音

此已下五節正陳鍼刺之要而此則言刺毫毛腠理者

無傷皮也。蓋毫毛腠理在外。皮在內。皮傷則皮爲肺之合。當內動。肺動則肺主愁。至秋病成。溫瘧汗淫。然寒慄也。

刺皮無傷肉。肉傷則內動。脾動則七十二日。四季之月。病腹脹。煩不嗜食。

此言刺皮者。無傷肉也。皮在外。肉在內。肉傷則肉爲脾之合。當內動。脾動則脾主四季之月。各至一十八日。共七十二日。其外季當病腹脹。煩而不嗜食也。正以脾之脉從脰肉。前廉入腹。屬脾。絡胃。上膈。俠咽。連舌本。散舌下。其支別者。復從胃。別上膈。注心中。故其爲病如此。

刺肉無傷脉。脉傷則內動心。心動則夏病心痛。

此言刺肉者無傷脉也。蓋肉在外。脉在內。脉傷則脉爲心之合。當內動心。心動則心主夏。至夏當病心痛。正以手少陰之脉起于心中。出屬心系。手厥陰心包絡之脉起于胷中。出屬心包絡。故其爲病如此。

刺脉無傷筋。筋傷則內動肝。肝動則春病熱而筋弛。

此言刺脉者無傷筋也。蓋脉在外。筋在內。筋傷則筋爲肝之合。當內動肝。肝動則肝主春。至春當病熱。証而筋弛。弛者緩也。正以熱則筋緩也。

刺筋無傷骨。骨傷則內動腎。腎動則冬病脹腰痛。

此言刺筋者無傷骨也。蓋筋在外。骨在內。骨傷則骨爲
腎之合。當內動腎。腎動則腎主冬。當病腹脹腰痛也。正
以腎脉直行從腎上貫肝鬲而腰。又爲腎之府。故其爲
病如此。

刺骨無傷髓。髓傷則銷鑠。肝酸體解。然不去矣。解音懈。亦
此言刺骨者無傷髓也。蓋骨在外。髓在內。髓傷則髓者
骨之充。當骨空之內。髓銷鑠。足肝酸疼。大體解解。然依
依然不能行動而去也。所謂強不強。弱不弱。寒不寒。熱
不熱。懈依然不可以名狀者耳。靈樞經曰。髓海不足
則腦轉耳鳴。脂酸眩冒。目無所見。懈怠。女用者是也。蓋

靈樞雖言腦而凡髓皆腦統之也

刺齊論篇第五十一

齊者後世爲同刺以爲

黃帝問曰。願聞刺淺深之分。岐伯對曰。刺骨者無傷筋。刺筋者無傷肉。刺肉者無傷筋。刺筋者無傷骨。分去

此言刺有淺深之分也。前四句之法。自內而之外者言之也。欲治其內止。及其外則內病治而外無傷矣。後三句之法。自外而之內者言之也。欲治其外無傷其內則外病治而內無傷矣。下文正詳言之。

帝曰。余未知其所謂。願聞其解。岐伯曰。刺骨無傷筋者。鍼

至筋而去。不及骨也。刺筋無傷肉者。至肉而去。不及筋也。刺肉無傷脉者。至脉而去。不及肉也。刺脉無傷皮者。至皮而去。不及脉也。

此明言上文前四句之義也。刺骨無傷筋者。鍼至筋而去。不及于骨。則骨病自治。筋無所傷矣。刺筋無傷肉者。鍼至肉而去。不及于筋。則筋病自治。肉無所傷矣。刺肉無傷脉者。鍼至脉而去。不及於肉。則肉病自治。脉無所傷矣。刺脉無傷皮者。鍼至皮而去。不及於脉。則脉病自治。皮無所傷矣。其治皆以不及為主耳。

所謂刺皮無傷肉者。病在皮中。鍼入皮中。無傷肉也。刺肉

無傷筋者過肉中筋也刺筋無傷骨者過筋中骨也此之謂反也

此明言首節末三句之義也蓋刺皮止於皮則肉不傷刺肉止于肉則筋不傷刺筋止于筋則骨不傷若過之則爲逆矣其法以不可太過爲主耳

刺禁論第五十二

刺有禁刺之穴故名篇

黃帝問曰願聞禁數岐伯對曰藏有要害不可不察肝生於左肺藏於右心部於表腎治於裏脾爲之使胃爲之市兩肱之上中有父母七節之傍中有小心從之有福逆之有咎

此將陳禁刺之數。乃先以藏府之有定次者言之也。夫
刺藏府者。皆有要害。不可不察。肝象木。木主東方。故肝
生於左。反世以爲其藏。在左者非。肺象金。金主西方。故肺藏於
右。雖其形爲五藏之華蓋。而其用則在於右也。肝爲少
陽。陽主於生。故曰生。肺爲太陰。陰主於藏。故曰藏。心屬
陽。居於膈上。故心部在表。腎屬陰。居於膈下。故腎治于
裏。心爲五藏部主。故稱曰部。腎間動氣。內治。故稱曰治。
脾所以運化水穀。以灌五藏。故脾爲之使。胃所以納受
水穀。無物不受。故胃爲之市。且膈者。高膜也。心下膈上
爲胃。心爲陽父也。肺爲陰母也。肺主於氣。心主于血。主

宰於身。故鬲育之上。中有父母者。正此心肺也。心在五
椎之下。故背之中行有神道。開一寸五分爲心俞。又開
一寸五分爲神堂。皆上於心。然心之下有心包絡。其形
有黃脂裹心者。屬手厥陰經。自五椎之下而推之。則包
絡當垂至第七節而止。故曰七節之旁。中有小心。蓋心
爲君主爲大心。而包絡爲臣爲小心也。靈樞邪客篇謂
諸邪之在心者。皆在心之包絡。而少陰之脉。出入屈折
皆如心主之脉行也。則小心之義曉然矣。楊上善以腎
名曰小心。然以二七爲七節。以腎爲心。未安。或者以七
節之旁爲鬲。乃以鬲爲小心。又或者以脊有二十一節。
自長強而逆數之。則
腎爲七節。俱未安。
去藏府在人之位次隆重如此。故

刺之者順其所而不傷則有福逆其所而傷之則有咎
所謂要害之當察者以此

刺中心一日死其動為噫刺中肝五日死其動為語刺中
腎六日死其動為噦刺中肺三日死其動為欬刺中脾十
日死其動為吞

此言誤刺五藏者有死期與死證也心為五藏六府之

大主故刺之中心者即日死其動為噫噫見則死矣宣

五氣論曰心為噫肝為語腎刺之中肝者五日死其動

為噦肺為欬脾為吞是也為語語見則死矣五日疑作三日刺之中腎者六日死

以六乃水之成數也其動為噦噦見則死矣刺中肺者

三日死其三疑為五王註釋診要經絡論以為金主數
四日畢當至五日而死者是也其動為欬欬見則死矣
刺中脾者十日死以十為土之成數也其動為吞吞見
則死矣按診要經絡論曰中心者環死即此一日之謂
日死以生也
之數若七也

刺中膽一日半死其動為嘔按膽為六府之一當別
于五藏故此另為一節

此言刺中膽者一日半死以其為生數之半也其動為
嘔嘔見則死矣嘔出于胃而膽證見之以木為土尅也
刺跗上中大脉血出不止死

此言中跗上而誤中大脉者為死也跗上者足面也刺

跗上者刺衝陽脉也。衝陽穴爲胃經之原。傷寒論以爲跌陽之脉

若刺此穴者誤中大脉以致血出不止則胃爲五藏六府之大海其氣漸衰必至于死也。前篇言刺肉者無傷脉則自此以下凡中脉之義皆相同矣。

刺面中溜脉不幸爲盲。溜脉同

此言刺面部而誤中溜脉者爲盲也。按靈樞本輸篇云溜于魚際則溜與流同所謂溜脉者凡脉與目流通者皆是也。又按靈樞大惑論云五藏六府之精皆上注于目而爲之精。又按靈樞論疾診尺篇云赤脉從上下者大陽病從下上者陽明病從外走內者少陽病此皆溜

脉之義也。不知其脉，與目通而刺面部者，誤中流脉，則不幸。而目當為盲。王註：以流脉為手太陽任脉之支。合手太陽脉，自顙而斜行，至目內眦。任脉自鼻軌兩旁上行，至臍下。故刺面中流脉者，不辜為盲。愚則以為：流脉不止，小腸任脉兩經故與王註異。

刺頭中腦戶，入腦立死。

此言刺頭而誤中腦戶者為立死也。腦戶者，督脉經穴名也。一名合顙，在枕骨上，強間後一寸半，在枕骨上。通於腦中，然腦為髓海，真氣之所聚，鍼入腦，則真氣泄，故至死。

刺舌下中脉太過，血出不止為瘡。

此言刺舌下而失之太過者為瘡也。舌下者，廉泉穴也。

屬任脉經任脉者起于中極之下以上毛際循腹裏上
關元至喉嚨屬陰脉之海今刺廉泉而中其脉氣至于
太過則必血出不止而為瘡矣蓋人之音聲必發于會
厭以會厭為音聲之戶靈樞憂悲無言篇云會厭之脉
上絡任脉取之天突其厭乃發今中脉太過則廉泉與
天突相通天突與會厭相通宜其為瘡疾也王註以為
義蓋以靈樞經脉篇謂脾脉散舌下通心舌下為
脾脉並不考廉泉之名又曰舌本舌下即舌下也

刺足下布絡中脉血不出為腫
此言刺足下布絡而誤中其脉者當為腫也布絡者凡
足之六經皆有絡脉也誤中其脉而血不出則必和

不得散而為腫矣

王註止以為然者之中者盤之甚也

刺郄中大脉令人仆脫色

郄中之下有一中字去声

郄中者委中也足太陽膀胱之脉起於目内眦下行於足故誤中郄中之大脉則令人仆倒而面色如脫去也

刺氣衝中脉血不出為腫鼠僕

僕作

此言刺氣衝而誤中其脉者當為腫也氣衝者一名氣衝係足陽明胃經穴在臍下橫骨端鼠臄上一寸刺氣衝者誤中其脉而血又不出則血氣并聚於中故內結為腫在鼠臄之中也

刺脊間中髓為僂

此言刺脊中而誤中其脊髓者爲偃也。脊間者督脉經

脊中穴

一名神宗一名脊俞在十一椎下第五

偃謂偃

僂身踈屈也。一說凡二刺脊間而中其髓則精氣泄皆

成偃僂不止脊中一穴而已。

刺乳上中乳房爲腫根蝕。

此言刺乳上而誤中乳房者爲腫其根當自蝕也。乳上

之穴名曰乳中其內爲乳房其下爲乳根穴皆屬足陽

明胃經刺其乳上內中乳房則病當爲腫其下爲乳根

穴當有膿自蝕化爲膿水而久不愈也。

刺決益中內陷氣泄令人喘欬逆。

此言刺缺盆而誤中內陷者當為喘欬逆氣也五藏者肺為之益缺盆為之道肺藏氣而主息又在氣為欬刺跌盆中內陷以缺盆在橫骨陷中也則肺氣外泄故令人喘欬而氣逆耳

刺手魚腹內陷為腫

此言刺手魚腹而內陷者當為腫也魚腹者魚際之腹也刺之太深而內陷則當為腫之疾也

無刺大醉令人氣亂無刺大怒令人氣逆無刺大勞人無刺新飽人無刺大饑人無刺大渴人無刺大驚人

云凡刺之禁新肉勿刺新刺勿內已醉勿刺已刺勿勞已飽勿刺已饑勿刺已驚勿刺已怒勿刺已刺勿怒新勞勿刺已刺勿勞已飽勿刺已饑勿刺已驚勿刺已怒勿刺已刺勿怒

飽已饑勿刺已刺勿饑已渴勿刺已刺勿渴大驚大怒必定其氣乃刺之候此更詳

此歷舉不可輕刺之人無非刺禁之大義也夫醉者脉鼓過度刺之則脉氣愈亂大怒者氣逆刺之則令人氣愈逆大勞者氣乏刺之則氣愈耗新飽者氣滿刺之則氣不行大饑者氣虛刺之則氣愈散大渴者血乾刺之則血愈涸大驚者氣亂刺之則氣愈越也刺陰股中大脉血出不止死

此言刺陰股而誤中大脉者爲死也陰股之中脾之脉也脾主中央土孤藏以灌四旁今血出不止脾氣將竭故死

刺客主人內陷中脉爲內漏爲聾。

此言刺客主人而內陷中脉者爲內漏爲耳聾也。客主人者一名上關足少陽膽經之穴在耳上廉起骨開口有空手足少陽足陽明三脉之會內陷者刺太深也。刺太深以中其脉則交脉破決故爲耳內之漏及氣不營而爲聾也。

刺膝臆出液爲跛。跛音波

此言刺膝臆而出液者當爲跛也。犢鼻在膝臆之下則犢鼻兩旁之上爲膝臆也。刺之者出液則液出筋乾當爲跛也。

刺臂太陰脉出血多立死

此言刺肺脉而出血過多者當立死也臂太陰即手太陰肺經之脉按靈樞寒熱病篇亦有臂太陰以其脉行於臂故既可曰手又可曰臂也肺主行營衛陰陽治節由之今血出多則營衛絕故立死也

刺足少陰脉重虛出血為舌難以言

重平

此言刺腎經而使之重虛出血者當為瘖也足少陰腎經之脉從腎上貫肝膈入肺中循喉嚨挾舌本故腎既虛而刺之出血則為重虛其舌必難以言也

刺膺中陷中肺為喘逆仰息

首中字平声
次中字去声

此言刺膺中而誤中其肺者當為喘逆仰息也刺膺中之穴如足陽明胃經氣戶庫房屋翳膺窓足少陰腎經俞府或中之類乃誤中肺經雲門中府則肺氣上泄故為病喘急而逆仰首而息也

刺肘中內陷氣歸之為不屈伸也

中平

此言刺曲澤而誤中陷脉者為不屈伸也肘中尺澤穴係手太陰肺經刺之而內陷結氣歸之則手不能屈伸也

刺陰股下三寸內陷令人遺溺

此言刺肝穴而誤使內陷者當遺溺也

按王註以股下三寸為肝經之

絡按足之三陰行于股內。今日陰股下三寸。蓋自上推之。脾旁五分。有青命穴。有命穴。骨穴曰橫骨者。陰上橫骨中也。又至下陰。骨下內輔骨後。其股下三寸。並無穴名。何王氏以爲。之絡也。今按肝經有陰包穴。治遺溺。在膝上四寸。當股下三寸之處。又按脾經有其門穴。亦治遺溺。其穴在魚腹上。越筋間。陰股內動脈處。是則當在肝脾兩經。然又以肝經爲長也。刺之而內陷。其脈則溺久不止矣。刺掖下脇間內陷。令人欬。同掖。

此言刺肺脉而誤使內陷者。當爲欬也。掖下當爲天府穴。在腋下一寸。肺脉也。肺脉從肺系橫出腋。下今刺之而內陷。其脉則當爲欬也。

刺少腹中膀胱溺出。令人少腹滿。

此言刺少腹而誤中膀胱。則溺出而少腹滿也。胞氣外

泄膀胱虛脹故溺出而少腹滿也

刺膻腸內陷為腫

此言刺膻腸而誤使內陷者當為腫也膻腸者足前腹

中承筋穴俗云脚肚係足太陽膀胱經內陷則氣泄故為腫

按銅人明堂俱禁鍼

刺匡上陷骨中脉為漏為盲匡眼同中主声

此言刺目眶而誤中其脉者當為漏為盲也匡目眶也

俗云眼裏陷骨謂眶骨也脉乃目之系也誤中之則眼系絕

故為漏與盲也漏者淚下不止也

刺關前中液出不得屈伸中平声

此言刺關節中而使之液出者當不能屈伸也。凡刺手足關節之所，即臂肘股膝之交也。使之液出，則筋膜漸乾，故不分手足，皆不得屈伸耳。

刺志論篇第五十三

志者，記也。篇內言虛實之法，當記之不忘，故

名

黃帝問曰：願聞虛實之要。岐伯對曰：氣實形實，氣虛形虛。此其常也。反此者，病。穀盛氣盛，穀虛氣虛。此其常也。反此者，病。脉實血實，脉虛血虛。此其常也。反此者，病。此言虛實之要。凡氣與形，穀與氣，脉與血，相稱者為常，而相反者為病也。氣者，人身之氣也。如營氣衛氣是也。形者，人

之形體也

身字代形字

氣實則形實氣虛則形虛此其

相稱者為常而相反則為病矣然此氣之虛實必于脉

而驗之但不可即謂氣為脉也觀下文有血脉對舉者

可知

王註引陰陽應象大論之形歸氣以驗其虛實之同甚有見至以氣為脉氣則非矣

穀盛穀

虛者用穀有多少而穀氣斯有盛虛也故穀多則氣盛

穀虛則氣虛此其相稱者為常而相反則為病矣此曰

氣者即上文之所謂氣也

靈樞營衛生會篇云人受氣于穀穀入于胃以傳于肺五

藏六府皆以受氣其清者為營濁者為衛脉要精微論謂脉者血之府言血

之多少必聚於經脉之中也故脉實則血實脉虛則血

虛此其相稱者為常而相反則為病矣

帝曰如何而反岐伯曰氣盛身寒此謂反也氣虛身熱此謂反也穀入多而氣少此謂反也穀不入而氣多此謂反也脉盛血少此謂反也脉少血多此謂反也

舊本為脉筋也脉少之少當作小

氣盛身寒入字思借入之

此承上文而言相反為病者之有三也氣盛者身宜溫而今反寒氣虛者身宜清而今反熱穀多者氣宜多而今反少穀少者氣宜少而今反多脉盛者血宜多而今反少脉小者血宜少而今反多此皆謂之相反也

氣盛身寒得之傷寒氣虛身熱得之傷暑穀入多而氣小者得之有所脫血濕居下也穀入少而氣多者邪在胃

與肺也。脉小血多者，飲中熱也。脉大血少者，脉有風氣，水漿不入，此之謂也。

此承上文而究其所以為相反者，由於邪氣之所致也。

氣本盛矣，而身反寒，蓋得之傷寒故也。惟寒傷形，故傷

寒則身寒也。此傷寒者，初時所感之寒，至下日久，則寒

類也。水熱論帝曰：人得於寒而傳於氣，本虛矣。而身反

熱，蓋得之傷暑故也。惟熱傷氣，故傷暑則身熱也。穀入

多者，而氣則反少，以其有所脫血，血去過多，則氣少也。

又濕居下部，濕勝則筋脉壅滯，而氣亦衰也。穀入少者，

而氣則反多，以其邪在於胃，胃本多氣，多血而邪氣雜

塞斯氣益多也。又邪在於肺而肺氣喘滿斯氣益多也。此所謂邪。凡風寒暑濕燥火皆是也。脉體本小而血則反多以其當熱飲之時而爲熱中故血似滯澀而爲多也。脉體本大而血則反少以其外感于風氣而脉之所以爲大水漿不入而血之所以爲少此皆反者爲病之謂也。然細味之則氣盛身寒者盛爲僞實而寒爲真虛。氣虛身熱者虛爲真虛而熱爲僞實。穀多氣少者多爲僞實而少爲真虛。穀少氣多者少爲真虛而多爲僞實。脉小血多者小爲真虛而多爲僞實。脉大血少者大爲僞實而少爲真虛也。所以爲有虛實之要者如此。

夫實者氣入也。虛者氣出也。氣實者熱也。氣虛者寒也。入實者左手開鍼空也。入虛者左手閉鍼空也。

此言爲實補虛之有法也。夫所謂實者邪氣之入而實也。非真實也。所謂虛者正氣之出而虛也。乃真虛也。邪實者其體必熱。氣虛者其體必寒。寒熱之間虛實拈矣。雖有氣感身寒其寒爲邪然終不能成熱也大凡用鍼之法右手持鍼左手

掐穴。衣其入鍼寫實之時則左手掐穴開鍼空以寫之。及其去鍼補虛之時則左手閉穴閉鍼空以補之。先治僞實而後補真虛此要法也。然則今之用藥者亦惟寫實補虛如鍼法耳。孰謂理之不可類推哉。

鍼解篇第五十四

按靈樞有九鍼十二原篇而小鍼解篇正所以解九鍼十二原篇之

鍼法此篇與小鍼解篇大同小異故亦謂之鍼解篇思故以小鍼解篇之詞參入而釋之

黃帝問曰。願聞九鍼之解。虛實之道。岐伯對曰。刺虛則實之者。鍼下熱也。氣實乃熱也。滿而泄之者。鍼下寒也。氣虛乃寒也。菀陳則除之者。出惡血也。邪盛則虛之者。出鍼勿按。徐而疾則實者。徐出鍼而疾按之疾。而徐則虛者。疾出鍼而徐按之。言實與虛者。寒溫氣多少也。若無若有者。疾不可知也。寒後與先者。知病先後也。為虛與實者。工勿失其法。若得若失者。離其法也。虛實之要。九鍼最妙者。為其各有所宜也。補瀉之時者。與氣開闔相合也。九鍼之名。各

不同形者。鍼窮其所當補。寫也。刺實須其虛者。留鍼陰氣
隆至乃去鍼也。刺虛須其實者。陽氣隆至鍼下熱乃去鍼
也。經氣已至。慎守勿失者。勿變更也。深淺在志者。知病之
內外也。近遠如一者。深淺其候等也。如臨深淵者。不敢惰
也。手如握虎者。欲其壯也。神無營於衆物者。靜志觀病人
無左右視也。義無邪斜下者。欲端以正也。必正其神者。欲
瞻病人目制其神。令氣易行也。其言其靈極作宛留也。爲其各有處。爲去聲。今平聲。
此詳解鍼法之義也。鍼經有所謂刺虛則實之者。言氣
口虛而當補之也。補之者。卽下文刺虛須其實。候其陽
氣隆至。鍼下既熱。乃去鍼也。蓋氣實乃熱也。此補法也。

滿而泄之者言氣口盛而當寫之也。寫之者即下文
刺實須其虛候其陰氣隆至鍼下已寒乃去鍼也。蓋氣
虛乃寒也。寒者涼也。苑陳則除之者正以苑者積也。陳
者久也。除者去也。言絡脉之中血積而久者去其血脉
以出惡血也。邪盛則虛之者言諸經邪氣之勝者皆寫
其邪出鍼之時勿按其穴令邪氣之發泄也。此上皆寫
法也。徐而疾則實者言得經氣已久乃徐出之。然鍼
既出穴則速按之。故六之正氣可不泄而實矣。此補法
也。靈樞小鍼解曰徐而疾則實言徐刺而疾出也。疾則以入鍼為徐而不以出鍼為徐。此解不同。疾
而徐則虛者言鍼既入穴已至於經脉即疾出之。然鍼

既出穴則徐按之而人之邪氣可泄之而虛矣此寫法

也。小鍼解曰疾而徐則虛者言疾納而徐出也亦與此不同

言實與虛者鍼下寒

而氣少者爲虛邪氣已去也鍼下熱而氣多者爲實正

氣已復也若無若有者其寒溫多少至疾而速正恍惚

於有無之間真不可易知也

小鍼解曰言實與虛者有若無者言實者有氣虛者

也無氣察後與先者言知病之虛實先後然後施以補寫

之法也

此下當有若下若存之解小鍼解曰察後與先若亡若存者言氣之虛實補寫之先後也察其

氣之已下爲虛與實者言醫工實則虛之虛則實之勿

失補寫之法也若得若失者言醫工自離其法誤施補

寫若有所得其實若有所失也

小鍼解曰爲虛與實者得若失者言補者以然

若自得也。寫則然若

虛實之要。九鍼最妙。為其各

有所宜也。

鍼在頭。宜鑱鍼。肉分氣滿。宜圓鍼。脈氣虛。宜鑱鍼。熱出。宜鑱鍼。寒出。宜鑱鍼。去暴。宜圓鍼。治經絡中。痛。宜鑱鍼。宜鑱鍼。深者。骨解。脈有節。脈之間。宜長鍼。虛者。宜鑱鍼。

合於骨解皮膚。補寫之時。者言各經脈氣之行。自手太陰。以至厥陰者。晝夜共行五十度。其鍼入之後。若鍼下

氣來。謂之開。可以迎而寫之。氣過。謂之闔。可以隨而補之。鍼與氣開闔相合也。

九鍼之形。各不同。形者。即其

鍼之異。則當辨其何鍼。為補。何鍼。為寫也。刺實。須其

虛者。留鍼。候其陰氣。隆至。鍼下寒。乃去鍼也。刺虛。須

其實者。候其陽氣。隆至。鍼下熱。乃去鍼也。經氣已至。

慎守勿失者言得各經之氣已至則當謹慎守之勿變
更以用他法也 深淺在志者言病深則鍼深病淺則
鍼淺分病之內外也 近遠如一者言或深或淺雖有
近遠不同然其所候者唯以氣至爲期其候則相等無
二也 如臨深淵者言候氣已畢補寫之法不敢輕怠
也 手如握虎者言持鍼堅定欲其壯也 神無營於
衆物者醫工之神也靜志觀病人無左右視之以惑亂
已之神也 義無斜下者言正指直鍼欲端以正而不
偏斜也 必正其神者病人之神也欲瞻病人之目
其神氣使之專一令病人之氣易行也

所謂三里者下膝三寸也。所謂跗之者舉膝分易見也。巨
虛者躋足而獨陷者下廉者陷下者也。跗之之字當作上
分去聲易去
此言取穴之法也。所謂三里卽足陽明胃經之穴膝下
三寸也。所謂跗上者卽足陽明胃經衝陽穴舉膝下三
里而重按之則衝陽動脈止矣。故曰舉其膝分則易見
矣。巨虛者有巨虛上廉又名上巨虛在三里下三寸有
巨虛下廉又名下巨虛在上廉下三寸躋足而獨陷者
取之躋者舉也。蓋大骨之外有陷者直路可以取此二
穴也。故曰下廉者陷下者也。言下廉則上廉可准矣。
帝曰余聞九鍼上應天地四時陰陽願聞其方。令可傳於

後世以爲常也。岐伯曰：夫一天、二地、三人、四時、五音、六律、七星、八風、九野，身形亦應之。鍼各有所宜，故曰九鍼。人皮應天，人肉應地，人脉應人，人筋應時，人聲應音，人陰陽合氣應德，人齒面目應星，人出入氣應風，人九竅三百六十五絡應野。故一鍼皮，二鍼肉，三鍼脉，四鍼筋，五鍼骨，六鍼調陰陽，七鍼益精，八鍼除風，九鍼通九竅，除三百六十五節氣。此之謂各有所主也。人心意應八風，人氣應天，人髮齒耳自五聲應五音，六律人陰陽脉血氣應地，人肝目應之九。此節當與靈樞九義旨第一節參看

此詳人與天地相參，無非因九鍼之義而擴推之也。夫

天爲一爲陽爲奇也。地爲二爲陰爲偶也。人爲三。參天
地而爲三也。時有四音。有五律。有六星。有七風。有八野。
有九故象之。而有九鍼者。此也不惟是也。人之皮應天。
天覆萬物而皮爲身之底也。人之肉應地。地以厚德載
物而肉則柔厚安靜者象之也。人之脉應人。人有盛衰
變易而脉則虛實不常者象之也。人之筋應時。時候各
有所司而筋則各有所分束者象之也。人之陰陽合氣
應六律。律有損益相生而氣則陰陽象之也。人有出入
之氣應風。風有往來而氣則衆之也。人有九竅者。陽竅
七在面部。陰竅二前陰後陰也。在下部其九竅爲統而

三百六十五絡。爲之相攝者。應野。蓋野分爲九。而野之中。萬物紛雜。其象相類也。故用九鍼以刺之者。亦所以合此九數耳。其一鍼皮。其二鍼肉。其三鍼脉。其四鍼筋。其五鍼骨。其六鍼之以調陰陽。其七鍼之以益精。其八鍼之以除風。其九鍼之以通九竅。除三百六十五節之邪氣。此之謂各有所主也。不惟是也。人之心意應八風。八風不常。而心意之變化如之。人氣應天。天道不息。而人之氣如之。人髮齒耳目共爲六。則應六律。人五聲。則應五音。人之陰陽十二經及脉血應地。蓋地承載萬物。而人身無乎不脩。與之同象也。人肝目亦應之九。蓋木

生於三三而三之則爲九矣

九竅三百六十五人一以觀動靜天二以候五色七星應之以候髮母澤五音一以候宮商角徵羽六律有餘不足應之二地一以候高下有餘九野一節俞應之以候閉節三人變一分人候齒泄多而少十分角之變五分以候緩急六分不足三分寒關節第九分四時人寒溫燥濕四時一應之以候相反一四方各作解

按此一百二十三字蓋舊殘文
其可強解姑缺之如干計云

黃帝內經素問註證發微卷之六終